



سنين عدت  
وكتير فيها اتمنيت  
يرزقنى ربى بصبى  
ولرب العزة دعيت  
قلت  
يارب رزقتنى بالبنات  
أرزقنى بأخ ليهم  
بعد الممات يكون ضرهم  
ويحميهم  
وعدت أيام وسنين  
وأنا بصلى وبدعى  
رب العالمين  
لبنى ربى الدعا  
ولقيت قلب بيدق جوا قلبنى  
فرحت وحمدت ربى  
وفى الميعاد خرجت فرحتى للنور  
الى استنيتها أيام وشهور  
والفرحة كانت هنا وسرور

واتعلقت ف الدنيا حواليه  
عناقيد النور  
يوم ورا يوم كبر ضنايا  
والفرحة كبرت جوايا  
بس ف يوم بصيت  
وحققت ف وشة لقيت  
أكبر شيء صدمنى  
طلع أبنى  
معوق ذهنى  
بكيت كتير مش شوية  
قالوا دي من ربك أكبر هدية  
وهو حقيقى نور عنيا  
ولقدرة ربي استسلمت  
ولهديته حمدت وقبلت